

白石口極爲平漫堪馳十輛故叅酌副使畢竟容之議於
白石茨溝議添守備 遼太康九年八月己酉射熊於白
石山加圍場使涅葛左金吾衛大將軍 葫荻口縣東南
二十里 黃土嶺口縣東南五十里又東南爲五虎嶺
半圈子口縣南二十里

倒馬關南七十里路通唐縣直隸設戍兵 水經注關山險
隘最爲深峭勢均詩人高岡之病故關受名焉古名常山
關又相傳楊延朗倒馬於此 漢張況爲常山關長會赤
眉攻關城况戰沒 明都御史蘇祐言紫荆關北自沿河
口起至倒馬關吳王口止最爲緊要蓋二關山雖險絕河
流中斷外恃宣大犄角在人故必有兵屯保安蔚州或於
蔚州之桃花村等處方爲有實且保安桃花去水馬白羊